

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-14-4-2968-10/19
Datum: 03.09.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 100. stav 3. i 4., te člana 70. stav 1. i 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine, u postupku javne nabavke usluga redovnog održavanja motornih vozila u garantnom roku, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

o izmjeni Odluke o izboru najpovoljnijeg ponuđača i dodjeli okvirnog sporazuma

1. Usvaja se žalba na Odluku o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine. U ponovljenom postupku ocjene ponuda, odlučeno je da je ponuda ponuđača Triab d.o.o. Sarajevo neprihvatljiva, te se okvirni sporazum za LOT 2 - redovno održavanje motornih vozila marke FIAT u garantnom roku, dodjeljuje ponuđaču A.C.I. d.o.o. Sarajevo za ponuđenu cijenu od 43.962,42 KM bez PDV-a.
2. Stavlja se van snage dio Odluke o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine, u dijelu koji se odnosi na LOT 2 – redovno održavanje motornih vozila marke FIAT u garantnom roku. Odluka o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine u dijelu koji se odnosi na LOT 1 - redovno održavanje motornih vozila marke PEUGEOT u garantnom roku i LOT 3 - redovno održavanje motornih vozila marke RENAULT u garantnom roku, ostaje na snazi.
3. Ponuđač A.C.I. d.o.o. Sarajevo dužan je da u roku od 5 (pet) dana od dana prijema ove Odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).
Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.
4. Ova Odluka stupa na snagu danom donošenja.

Obrazloženje

Na osnovu Odluke broj: 02-14-4-2968/19 od 03.06.2019. godine i Obavještenja o nabavci broj: 16475-1-2-55-3-53/19 od 11.06.2019. godine, proveden je otvoreni postupak javne nabavke usluga redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-2968/19 od 04.07.2019.godine, za aktivno učešće u postupku za LOT 2 – redovno održavanje motornih vozila marke FIAT u garantnom roku dostavljene su ponude ponuđača: Auto Centar Italy d.o.o. Sarajevo i Triab d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-14-4-2968-5/19 od 02.08.2019. godine. Tenderskom dokumentacijom predviđeno je da će se za predmetnu nabavku provesti e-aukcija. E-aukcija je provedena 07.08.2019. godine sa početkom u 10.40 sati za LOT 2.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- Triab d.o.o. Sarajevo sa konačnom cijenom za:
 - ✓ LOT 2 – sukcesivna nabavka usluga redovnog održavanja motornih vozila marke FIAT u garantnom roku sa ukupnom cijenom ponude u iznosu od 27.824,26 KM bez PDV-a.

Shodno rezultatima pregleda i ocjene ponuda i rang listi prihvatljivih ponuda nakon provedene e-aukcije donesena je Odluka o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine kojom je okvirni sporazum za LOT 2 dodijeljen ponuđaču Triab d.o.o. Sarajevo.

Dana 30.08.2019. godine zaprimljena je žalba ponuđača A.C.I. d.o.o. Sarajevo na Odluku o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine. Žalba je ocijenjena kao blagovremena, dopuštena i izjavljena od strane ovlaštene osobe.

U žalbi ponuđač navodi da izjave u skladu sa članom 45., 47. i 52. Zakona o javnim nabavkama nisu u potpunosti popunjene te da nije naveden položaj lica koje daje izjavu, niti je upisano ko daje izjavu. Dalje, se navodi da izabrani ponuđač nije dostavio Izvještaj centralne banke o svim računima, da u aneksu II Obrazac za dostavu ponuda, ponuđač nije naveo da njegova ponuda ne zadovoljava uslove preferencijalnog tretmana domaćeg; zatim da potvrda o izvršenim ugovorima ne sadrži tražene elemente iz TD te da je potvrda iz 2015. godine; da je ponuđač Triab d.o.o. Sarajevo vršio prepravke cijena u obrascu za cijenu ponude, a odnose se na ispravku brojeva; te da je Ugovorni organ prihvatio obrazloženje neprirodno niske cijene ponuđača, a da isto nije u skladu sa članom 66. Zakona o javnim nabavkama.

Razmotrivši navode žalbe Uprava policije Ministarstva unutrašnjih poslova Kantona Sarajevo je utvrdila slijedeće:

Ponovnim uvidom u ponudu ponuđača Triab d.o.o. Sarajevo, utvrđeno je da u ponudi navedenog ponuđača nije dostavljen Izvještaj centralne banke o svim računima, te da priložena potvrda o izvršenim ugovorima ne sadrži tražene elemente iz TD te da je potvrda iz 2015. godine što nije u skladu sa TD. Iz tih razloga žalba ponuđača A.C.I. d.o.o. Sarajevo se uvažava kao osnovana.

Sve ostale navode Žalitelja Ugovorni organ smatra manjim odstupanjima koji nisu od uticaja na sam tok postupka, te ni na koji način ne utiču na poštivanje i pravilnu primjenu pozitivnih pravnih propisa iz ove oblasti.

Kako je za predmetnu nabavku o izboru najpovoljnijeg ponuđača i dodjeli okvirnog sporazuma broj: 02-14-4-2968-6/19 od 15.08.2019. godine okvirni sporazum za LOT 2 – redovno održavanje

motornih vozila marke FIAT u garantnom roku dodijeljen ponuđaču Triab d.o.o. Sarajevo zbog pogrešno utvrđenog činjeničnog stanja, Ugovorni organ na naprijed navedeno zaključuje, nakon ponovnog sagledavanja svih činjenica od strane Komisije, da je ponuda ponuđača Triab d.o.o. Sarajevo neprihvatljiva.

S obzirom da je žalba osnovana, te da je ponuda ponuđača Triab d.o.o. neprihvatljiva, navod o obrazloženju neprirnodno niske cijene nije niti razmatran, jer se u ovom kontekstu razmatraju samo prihvatljive ponude.

Nakon što su razmotreni navodi žalbe ponuđača A.C.I. d.o.o. Sarajevo, proveden postupak ponovnog pregleda i ocjene ponuda po žalbi i utvrđeno činjenično stanje, odlučeno je kao u dispozitivu ovog rješenja, a u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14).

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 5 (pet) dana od dana prijema ove Odluke, a u skladu sa članom 99. i 100. stav 4. Zakona o javnim nabavkama BiH („Službeni glasnik BiH“ broj: 39/14).

Dostaviti:

1. Komisiji za sukcesivne nabavke
2. Ponuđačima x2
- ③ Odjeljenju za odnose s javnošću, radi objave na web stranici ovog organa
4. a/a



